

ՄԻՋԻՆ ԲՐՈՆՋԵԴԱՐՅԱՆ ԴԱՄԱՐԱՆՆԵՐԻ ՊԵՂՈՒՄՆԵՐ ՄԻՍԻԱՆՈՒՄ

Սյունիքի միջին բրոնզեդարյան հուշարձանները դեռևս քիչ են հետազոտված: Այդ է պատճառը, որ տվյալ ժամանակաշրջանի յուրաքանչյուր հնավայր խիստ հետաքրքիր է ոչ միայն Սյունիքի, այլև Հայաստանի և ընդհանրապես Անդրկովկասի միջին բրոնզեդարյան դեռ շատ կողմերով մութ մնացած մշակույթի հետազոտման համար: Այս բացը մասնակիորեն լրացվեց 1937 թ. Սիսիանում կատարված պեղումների ընթացքում: Այստեղ փորձարարական կայանի տարածքով անցնող զազամուղի շինարարության ժամանակ ավերվել էին երկու դամբարան: Հայտնաբերված նյութերի մի մասը՝ կոտրված խեցանոթների բեկորներ, հող ու քարի հետ խառնված վիճակում, մնացել էին տեղում, մյուսները՝ ամբողջական ամաններ, շինարարները մեղ վերադարձրին: Դամբարանները գտրվել էին արտաքին նշաններից և ընդհանրապես տարածքի մեծ մասը, տարիներ առաջ կատարված հողամշակման աշխատանքների, ինչպես և այգետունկի հետևանքով, փոխել էր իր սկզբնական տեսքը: Առանձին, դեռևս անխաթար պահպանված հատվածներում միայն դիտվում են ցածր դամբարանաթմբեր, որոնց պեղումները չի կարելի հետադադակտորներին, ապա դրանցում, այս ու այնտեղ երևում են խոշոր սալաքարերի առանձին մասեր՝ երբեմնի դամբարանների ծածկասալեր, որոնցից մի քանիսը, ինչպես պարզվեց հետախուզական պեղումների ընթացքում, տեղաշարժվել էին: Մյուսները բարեբախտաբար իրենց նախկին դիրքով էին պահպանվել: Այդ քարերից մեկի (դամբարան № 2ա) մի մասն էլ դիտվում էր հողի մակերևույթին՝ № 2 կիստվեր դամբարանից 0,7—1 մ հարավ ընկած հեռավորության վրա: Ամբողջությամբ ավերված № 1 դամբարանից հայտնաբերվել էին գունազարդ երեք կճուճ, մեկ աղաման և հինգ քրեղան (աղ. II, նկ. 2—10), որոնցից մեծի մեջ (աղ. II, նկ. 5) հղած կարծր կավազանգվածում 25—30 տարեկան կնոջ խիստ վատ պահպանված գանգ էր դրված: Դամբարան-

ներից երկրորդը (երկ.՝ 2,7 մ, լայն.՝ 1,4 մ, խոր.՝ 1, 35 մ) մասնակի էր ավերված: Լրացուցիչ պեղումների ընթացքում պարզվեց, որ հիմնահողային կառուցվածք և հարավ-արևմուտքից հյուսիս-արևելք ուղղությամբ ունեցող այս դամբարանախցից անխաթար պահպանվել էր հյուսիսային հատվածի 15—20 սմ լայնությամբ նեղ շերտը: Նշենք, որ հողի ուղղաձիգ կտրվածքում, նախքան պեղումները սկսելը, որոշակի դիտվում էին երկու շերտ: Դրանցից վերինը, որի հզորությունը 0,8—0,9 մ էր, կաղմված էր սևահողից ու դրա հետ խառնված քարերից, իսկ ստորին՝ 0,5 մ հաստությամբ ունեցողը՝ սոսկ կավահողից: Հետաքրքիր էր, որ ստորին, խիստ դժվարությամբ հեռացվող, արտակարգ կարծր շերտը ոչ թե սոսկ կավահող էր, այլ՝ կավաշաղախ, որի մեջ զմուշկ էին ոսկորներն ու ուղեկցող նյութերը: Այստեղ հայտնաբերվեցին նաև կովի, այծի, այծյամի և ընտանի թռչնի ոսկորներ², իսկ դամբարանախցի արևմտյան հատվածում՝ 35—40 տարեկան տղամարդու ստորին ծնոտի երկու բեկոր: Հանված հողի հետ խառնված դուրս էին եկել գունազարդ ու սև փայլեցրած, ինչպես և խամրած մակերեսներով զանազան ամանների բեկորներ: Այս դամբարանից շինարարները վերցրել էին բրոնզե դաշույնի մաս և մեկ խոշոր կճուճ (աղ. II, նկ. 1, 11—18): Դամբարանից 0,7—1 մ հարավ բացվեց 142×68 սմ մեծությամբ մի սալաքար, որի տակ բռնված երկու՝ համեմատաբար փոքր (62 և 93 սմ) սալերը ծածկում էին 130×70×40 սմ չափերի, արևելք-արևմուտք ուղղվածության հիմնահողային № 2ա կնոջ դամբարանը: Հատակագծում ուղղանկյունաձև այս փոսի հյուսիս-արևմտյան անկյունում թաս-գավաթ էր դրված (աղ. III, նկ. 20): Դամբարանափոսը լցված էր կավահողի և սևահողի՝ հեշտությամբ հեռացվող խառնուրդով: Պեղման հրապարակի ընդլայնման շնորհիվ, խրամուղուց 5,2 մ հարավ բացվեցին ևս երեք ծածկասալեր (երկ.՝ 110, 130, 135 սմ, լայն.՝ 45, 55, 90 սմ), իսկ դրանցից 0,6—1,3 մ հարավ՝ հյուսիս-հարավ ուղղվածությամբ ևս մեկ սալաքար (130×45 սմ),

¹ Բնորոշումները՝ ՀԽՍՀ ԳԱ հնագիտության և ազգագրության ինստիտուտի մարդաբանության լաբորատորիայի գիտաշխատող Ա. Փալիկյանի:

² Բնորոշումները՝ ՀԽՍՀ ԳԱ կենդանաբանության ինստիտուտի գիտաշխատող Ս. Կ. Սեմյակյանի:

որը ծածկում էր համանման ուղղվածության հիմնահողային կեղծ դամբարանը (Ձ 3ա, լա-
փերը՝ $1,4 \times 0,6 \times 0,5$ մ): Վերջինիս հյուսիս-
արևմտյան անկյունում թեքությամբ մեկ գու-
նազարդ քրեղան էր դրված (աղ. III, նկ.
19): Այս կեղծ դամբարանի լիցքը ես, ունենա-
լով նույն բաղադրությունը ինչ և Նախորդը,³
դուրսված էր հեռացվում: Ինչ վերաբերում
է այս փոսի հարևանությամբ գտնվող երեք
ծածկասալերին, ապա դրանց հեռացումից հե-
տո բացվեց հարավ-արևմուտքից հյուսիս-արև-
մուտք ուղղված հիմնական՝ Ձ 3, դամբարանա-
խուցը ($2 \times 1,05 \times 0,95$ մ): Սրա արևելյան
պատի վրա մեկ շարքով փոքր քարեր էին
դրված, մեր կարծիքով, ծածկասալի հենման
հրապարակը մեծացնելու և ամրացնելու հա-
մար: Այս դամբարանախուցում ես վերևի 50—
55 սմ հզորությամբ ունեցող շերտը կազմված էր
սևահողից ու նրա հետ խառնված տարրեր լա-
փերի քարերից, մինչև ստորին, որի հաս-
տությունը տատանվում էր 35—40 սմ-ի միջև,
զովարությունը հեռացվող կավաշաղախն էր,
որտեղ դնված էին մարդու կմախուս ու դրան
ուղեկցող նյութերը: Դամբարանախուցի արևմուտ-
յան հատվածում հայտնաբերվեց 35—40 տա-
րեկան տղամարդու դանդ՝ գագաթամասով
ուղղված հարավ, Դրանից հյուսիս դրված էին
կողոսկրներ, իսկ արևելք ուղղված դեմքի առ-
ջև՝ մեկ թևի բազկակիր, կողքը՝ դրված լրոն-
դաձույլ դաշույն, օղ, ծայրերին՝ թևկներով,
զլանաձև և լծափայտի տեսք ունեցող իրեր:
Կողոսկրների մոտ կային վանակատե երկու նե-
տախալներ և ձիու շորս ոսկոր, իսկ դաշույ-
նի մոտ՝ կճուճ և գավաթ (աղ. III, նկ. 12,
16): Դամբարանախուցի կենտրոնում կողք-կող-
քի երկու խոշոր անոթներ էին դրված (աղ.
III, նկ. 7, 8), որոնցից մեկի վրայով մարդու
ազդրոսկրն էր անցնում: Այս անոթներին հըպ-
ված, մեկ շարքով դասավորված էին թաս-գա-
վաթներ ու քրեղաններ (աղ., III, նկ. 9—11,
13—15, 17—18), որոնց հենված էր երինջի մի
կոնքոսկր: Հայտնաբերվեցին նաև ոլխարի ու
այծի ոսկորներ:

Կեղծ դամբարանները, կապված լինելով
հիմնական դամբարանախուցների հետ (դժբախ-
տաբար, Ձ 1 դամբարանի փոսորակը ավերվել
էր), պաշտամունքային նշանակություն են
ունեցել, որը, թերևս, հոգեպաշտական պատկե-
րացումների հետ է առնչվում: Նման երևույթ
դիտված է և Ցա. Հումմելի կողմից, խանլարի
շրջակայքում գտնվող դամբարանների պեղում-
ների ընթացքում⁴: Ինչ վերաբերում է կավա-

շաղախի մեջ թաղումներ կատարելուն, ապա
նման երևույթ արձանագրված է և Վիրին-Նա-
վերի միջին բրոնզեդարյան դամբարաններում:
Անտարակույս, թաղման այս հետաքրքիր ծե-
սը, որ առանձին հետազոտության նյութ է,
նույնպես հոգեպաշտական պատկերացումների
հետ է կապված:


Այլ պատկեր բացվեց վերին՝ Ձ 4 դա-
մարանի պեղումների ընթացքում: Դամբարա-
նը գտնվում էր խրամատի մոտ, նախորդներից
շուրջ 300 մ արևմուտք, ուներ 0,7 մ բարձրու-
թյամբ ու 9,7 մ տրամագծով դամբարանա-
թումբ: Վերջինիս կենտրոնական հատվածում,
հյուսիս-հարավ երկայնական առանցքով բաց-
վեցին երկու ծածկասալ, որոնցից մեկի եզրը,
նախքան պեղումները սկսվել, երևում էր: Այդ
սալերը (154×45 սմ և 170×110 սմ) ծած-
կում էին արևելք-արևմուտք ուղղվածության,
կենտրոնում մինչև 0,9 մ լայնացող և ծայրե-
րում նեղացող (40 և 50 սմ) նավակաձև, ոչ
խոր (48 սմ) քարաղկղը: Այն լցված էր մաքուր
սևահողով, որի մեջ, սակայն, մարդկային ոս-
կորները բացակայում էին: Անմիջապես ծած-
կասալերի տակ դրված էին տաս տարբեր խե-
ցանոթներ՝ հիմնականում դամբարանախուցի
կենտրոնական մասում կուտակված, բեկորներ
ինչպես պարզվեց, վերականգնման ընթացքում,
այս նյութերը դամբարանախուց էին նետվել
նախապես կոտորելուց և որոշ մասեր դուրս նե-
տելուց հետո, որոնք չհայտնաբերվեցին դա-
մարանաթմբի պահպանված լիցքում (աղ. I):
Այս նյութերից բացի դամբարանախուցում հայտ-
նաբերվեցին նաև մեկ այծի 10 ոսկոր. հետեա-
լար, մարդու կմախքի փոսած լինելու հանգա-
մանքը բացատրվում է: Չդիտվեցին նաև դիա-
կրիման հետքեր: Ուրեմն, տվյալ դեպքում գործ
ունենք հուշադամբարանի (կենոտոֆ) հետ:
Հետաքրքիր է, որ դամբարանախուցի հատակից
15 սմ հաստությամբ մաքուր հողաշերտ էր
ձգվում, որի վրայից էլ հայտնաբերվեցին տար-
բեր լափերի վեց կճուճների, սկուտեղաձև եր-
կու ամանների, քրեղանի, այսպես կոչված,
հնդկական բնկուլի ձև ունեցող անոթի բեկոր-
ներ: Այս նյութերը նախորդ դամբարաններից
հայտնաբերվածների հետ համեմատած ավելի
պարզունակ և ժամանակագրական տեսակետից
համեմատաբար վաղ տեսք ունեն: Դրանցից
վերջինը հարթ հատակով, տաշտակաձև աման
է, որի շուրթը երկու հակադիր կողմերից (եր-
կայնական մասում) ներս է սեղմված: Ամանն

4 А. Е. Симонян, Могильник эпохи бронзы Верин-Навер (Краткие сообщения Института археологии АН СССР, М., 1983, № 176, с. 91—95).

3 Я. И. Гуммель, Археологические очерки, Баку, 1940, с. 26, 114, 115.

ունի ղեղնակարմրավուն, անփայլ, շուսված մակերես (աղ. 1, նկ. 1): Ամանների այս տեսակը հանդիպում է ինչպես վաղ, այնպես էլ ուշ բրոնզի I փուլում թվագրվող հուշարձաններում, ինչը և թույլ չի տալիս այդպիսիները

սով կճուճի քննության ընթացքում: Մա ունի ուղիղ բարձրացող վզով ավարտվող փքուն իրան, որը զարդարված է սանրատամ նախշով ստացված անկյունաձև պատկերներով և անոթի իրանը դոտևորող՝ հորիզոնական գծերով: Գծե-



Աղյուսակ I:

դիտել իբրև թվագրող նյութ: Այս տեսակներից հետաքրքիր են կճուճները: Չորսը լրացուցիչ հարդարումից զուրկ, կարմիր ու դարչնա-կարմրավուն փշփշոտ մակերեսներով, դուրս թեքվող, իսկ մեկ ղեպքում կլորացող շուրթով, գնդաձև (աղ. 1, նկ. 7) ու փքուն իրաններով (աղ. 1, նկ. 2, 3, 5), դեպի հատակը խիստ նեղացող անոթներ են և համեմատաբար փոքր հատակներ ունեն, որով և կապվում են վաղ բրոնզե դարյան խեցեղենի հետ: Այս կապը առավել ցայտուն է դրսևորվում սև խամրած մակերեսները 7—7

րից ցած երկու փոսիկներ են արված (աղ. 1, նկ. 4): Որպես վաղ բրոնզեդարյան խեցեղենի բնորոշ զարդանախշ, այսօրինակ փոսիկները, ինչպես ցույց են տալիս Բերքաբերի, Բեղենիի դամբարանաթմբերի և Իլտո (Կախեթում) բնակատեղիի պեղումների արդյունքները⁵, շարու-

⁵ Ս. Ե. Գա ս պ ա ռ յ ա ն, Դամբարանաբերի պեղումներ Իշկանի շրջանի Բերքաբեր գյուղում [«Պատմա-բանասիրական հանդես» (այսուհետև՝ ՊՐՀ), 1987, № 1, էջ 229—233, աղ-

տակում են հարատևել և մ. թ. ա. II հազ. սկզբում, Կճուճներից վերջինը սև, անփայլ, մրուտ-ված մակերեսով խոհանոցային անոթ է, որի կլորացող իրանն ավարտվում է կարճ վզով և ներքին մակերեսին ակոս հանված, թեթևակի դուրս հակվող շրթով (աղ. I, նկ. 6)։ Այս հատկանիշը (շրթին՝ ակոսադիծ) անծանոթ է

վաղ բրոնզի խեցեղենին. այն հանդես է գալիս միջին բրոնզում։

Սանրտտամ նույն դարդն ունի և քրեղանը, որի մակերեսը նույնպես սև ու անփայլ է, իսկ կլորացող իրանն ավարտվում է ուղիղ, կարճ վզով (աղ. I, նկ. 8)։ Ամանների այս ձևը բնորոշ է միջին բրոնզի դարաշրջանին։



Աղյուսակ II

II, նկ. 1, 3, 4], III. III. Дед а б р и ш в и л и, Памятники эпохи ранней и средней бронзы (Труды Кахетской археологической экспедиции, т. I, Тбилиси, 1969, рис. 13₅₋₁₀); Г. Ф. Г о б е д ж и ш в и л и, Бз-деи-культура курганных погребений, Тбилиси, 1980, табл. XXXI—XXXIII.

ինչ վերաբերում է սանրտտամ կետանախին, ապա այն, ինչպես ցույց են տալիս իլտույից, Բեդենից և այլ հնավայրերից գտնված նյութերը, հանդես է գալիս մ. թ. ա. III հազ. վերջ—II հազ. սկզբում։ Այս տեսակետից շատ հետաքրքիր են Ցա. Հումմելի՝ Խանլարի շրջակայքում և Գյանջա-լալի հովտում պեղած № 12 և № 139 դամբարանների հետազոտու-

Քյունենների արդյունքները Դրանցից Հայտնաբերված նյութերը, զարգարված լինելով սանրատամ անկյունապատկերներով, թվագրվում են մ. թ. ա. III—II հազ. սահմանագլխով։ Այստեղ կարևոր է այն հանդամանքը, որ № 139 դամբարանը իջեցված է եղել վաղ բրոնզեդարյան կացարանի մեջ, որն իր հերթին ծածկվել է մ. թ. ա. II հազ. I կեսի կառույցով⁶։

Սիսիանի № 4 դամբարանից հայտնաբերված նյութերն, այսպիսով, հանդես բերելով վաղ և միջին բրոնզի դարաշրջաններին բնորոշ հատկանիշներ, համաժամանակյա մյուս հուշարձանների օրինակով կարող են դասվել անցումային ժամանակաշրջանին պատկանող հնավայրերի շարքում և թվագրվել մ. թ. ա. III—II հազ. սահմանագլխով։ Այդ ժամանակաշրջանի հուշարձաններում իրենց զուգահեռներն ունեն և կարմիր, անփայլ մակերեսով, ցածր նստուկով և սահուն կլորացող իրանով սկուտղաձև ամանները (աղ. I, նկ. 9)։ Այսպիսինը հայտնի են նաև Ուղերիկ-Քեփեի ստորին շերտից (մ. թ. ա. XX—XVIII դդ.), Բեդենից⁷, իսկ Շիրակի մասին և Դուխյան բնակավայրերի վաղ բրոնզի դարաշրջանով թվագրվող նմուշները, որոնք որոշ առանձնահատկություններ են դրսևորում, կարող են նախաձեռնել զետեղվել⁸։

Սիսիանի մյուս դամբարաններից հայտնաբերված նյութերը՝ ղենքեր ու տարատեսակ խեցանոթներ, համաժամանակյա են։ Բրոնզաձուլյա դաշույնները երկուսն են։ Մեկը թերի է, ունի հարթ լեզվակ՝ դաստակի ամրացման համար նախատեսված միջանցիկ անցքով, իսկ լայն, թեթև ուսերով տերևաձև շերտ կտրվածքում ուսանյակաձև է (աղ. II, նկ. 1)։ Նույն ձևն ունի և դաշույններից երկրորդը, տարբերությամբ, որ սրա շերտը կտրվածքում ուսաձև է, իսկ շերտի հիմքամասում և լեզվակի վրա արված երեք անցքերում բրոնզաձուլյա փոքր զամեր են պահպանված։ Շերտի հիմքա-

մասում դիտվող որոշակի հետքը ցույց է տալիս, որ դաստակն ունեցել է ձևավոր զոգավորված տեսք (աղ. III, նկ. 1)։ Ամենայն հավանականությամբ, դաշույնը ամրացնելու կամ զարգարելու նպատակին են ծառայել բրոնզե թիթեղներից պատրաստված, ծայրերում աստիճանաբար նեղացող օղակը (աղ. III, նկ. 2), լծի ձև ունեցող իրը (աղ. III, նկ. 3) և խողովակը, որը ծայրերում իրարից հեռացող տափակ թևիկներ ունի (աղ. III, նկ. 6)։ Զենքերից վերջին երկուսը վանակատից պատրաստված, հիմքամասում ուղղանկյունաձև հանվածքով նշան են տասնալքներն են (աղ. III, նկ. 4, 5), ինչպիսիք հաճախ են հանդիպում բրոնզի և երկաթի դարաշրջանների տարբեր փուլերով թվագրվող հուշարձաններում։ Նույնը կարելի է ասել և օղակի վերաբերյալ։ Ինչ վերաբերում է մյուս իրերին, ապա դրանցից խողովակի տեսքն ունեցողը, մեղ հայտնի տրվյալներով, դեռևս եղակի է իր տեսակում, իսկ լծի ձևով պատրաստվածի ճշգրիտ զուգահեռներն են լճաշենից՝ միջին բրոնզի վաղ փուլով թվագրվող (մ. թ. ա. II հազ. սկիզբ) № 40 դամբարանից հայտնաբերվածները, որոնք սկզբից հնադեպի կարծիքով ականջօղեր են⁹։ Նշենք, որ ինչպես այդ, այնպես էլ լճաշենի № 123 դամբարանից (մ. թ. ա. XXI—XIX դդ.), էջմիածնի Մոխրարություն¹⁰, Նախիչևանի Կարմիր-Վանքից, էլաուց, Կամուլից¹¹ և համաժամանակյա այլ հնավայրերից հայտնաբերվել են տափակ լեզվակով համանման դաշույններ, որոնք մեկական միջանցիկ անցքեր ունեն։ Այդուհանդերձ այս դաշույնները բնույթով թվագրող նյութ դիտվել չեն կարող, որովհետև հանդիպում են միջին բրոնզի դարաշրջանի բոլոր փուլերում։ Հետևաբար, այս նյութերի թվագրությունը, որը կարևոր է Հայաստանի և ընդհանրապես Անդրկովկասի միջին բրոնզեդարյան մշակույթի հետազոտության համար, տրվում է խեցեղենի օգնությամբ։ Դրանցից խոշոր կճուճներն ու փոքր չափերի կարասաձև անոթները, այսպես կոչված «հիդրիաներ» (աղ. II, նկ. 2, 11, 13, աղ. III, նկ. 7, 8) մի դեպքում կլորացող իրաններով, միջին մասում թեթևակի զոգավորվող վզերով և դուրս ճկվող շուրթերով հարթաձև կավամաններ են, մյուսում՝ համեմատաբար լայնաբերան են ու ձվաձիր իրան ունեն։ Անոթների մի մասի

6 Я. И. Гуммель, Некоторые памятники раннебронзовой эпохи Азербайджана (Краткие сообщения Института истории материальной культуры, 1948, вып. XX, с. 26—28, рис. 11—12).

7 К. Х. Кушнарёва, Поселение эпохи бронзы на холме Узэрлик-тепе около Агдама [Материалы и исследования по археологии СССР (Айսուհետե՝ МИА). 1959, № 67, рис. 96]; Г. Ф. Гобеджншвили, Егип. աշխ., рис. 36, 37, с. 100—101.

8 Р. М. Муичаев, Кавказ на заре бронзового века, М., 1975, рис. 80.

9 Հ. Հ. Մեսգակյան, լճաշենի մշակույթի զարգացման հիմնական էտապները (ՊՋՀ, 1965, № 2, էջ 99—101, աղ. 1, նկ. 3, 4, 13).

10 Նույն տեղում։

11 է. Վ. Խանդաղյան, էլաու-Դարանի, Երևան, 1979, էջ 69, նկ. 95, 96.

շուրթի ներսից ակոս է արված: Բրուտի անիվի վրա պատրաստված, կտրվածքում կարմիր գույնի այս անոթների մակերեսների կարմիր հիմնագույնը զարդարված է սև ներկով ստացված ընդամասը, ալիքաձև, ուղղահայաց ու խաչաձև հատվող գծերով, ինչպես և թերավարտ, դեռևս չձևավորված մեանդրներով: Հաճախ խումբ-խումբ գոյություն ունի նաև զարդարված և անոթների շուրթերը: Այս անոթներից ձվաձիգ տեսք ունեցողները իրանի ձգված ու վերին տեսքով որոշ նմանություն են դրսևորում Ուղեբերի I շերտից հայտնաբերված, համեմատաբար կոպիտ, երբեմն եռամատ ուղեբերի զարդեր ունեցող անոթների հետ, որոնք, սակայն, շարունակելով վաղ բրոնզի ավանդույթները, զուրկ են ներկով ստացված զարդերից: Նշենք, որ գունազարդ խեցանոթների բեկորների զարդանախշերը, կրկնելով Սիսիանի նմուշներին, Ուղեբերիում հանդիպում են II շերտից սկսած¹², Այս հանգամանքը, սակայն, չի նշանակում, թե սոսկ այդ պատճառով պարտավոր ենք երիտասարդացնել Սիսիանի նյութերի թվագրությունը, որոնց առավել վաղ զուգահեռները (մ. թ. ա. XXI—XIX դդ.) կան այս դամբարաններից ոչ հեռու գտնվող Վարդաբերդ հնավայրի նյութերում¹³: Բացառված չէ, որ այս նորահայտ դամբարանները այդ հուշարձանի դամբարանադաշտի մի հատվածը լինեն: Նույն ժամանակաշրջանի (մ. թ. ա. II հազ. սկիզբ) նյութեր են հայտնաբերված և Ախլաթյան գյուղում, որոնց շարքում առկա են Սիսիանի նյութերն ու դրանց զարդերը պատճենող դունդաղադր ամաններ¹⁴, Ավելին, Այգեանի V շերտից հայտնաբերված նյութերի շարքում, որոնք թվագրվում են մ. թ. ա. XXI—XIX դդ., առկա են և գունազարդ խեցանոթների մասեր¹⁵, նույն ևրևույթն է գիտվում և Գառնիում, Զրահովտի բնակավայրում, ուր մ. թ. ա. III հազ. վերջին պատկանող խեցեղենի հետ հայտնաբերված են և գունազարդ անոթների բեկորներ¹⁶: Այսօրինակ պատկեր է դիտված և Բեշտաշենում ու այլ հնավայրերում¹⁷, Տեղին է նշել, որ հանյարի № 12 դամբարանի քրեղաններից մեկի սև գույնի մակերեսը զար-

դարված է կետագծման եղանակով ստացված թերի մեանդրաձև պատկերներով, որոնք պատճենում են Սիսիանի նյութերի զարդաձևեր, հանյարի այս դամբարանը թվագրվում է մ. թ. ա. III—II հազ. սահմանագլխով, կլորացող իրանով այս անոթներից սոսկ չափերի փոքրությամբ են անհամեմատ ևրկու գունազարդ կճուճները (աղ. II, նկ. 3, 4): Այսօրինակ անոթների մյուս խումբն են կաղամ սև փայլեցրած (աղ. II, նկ. 14) և խամրած (աղ. III, նկ. 12) մակերես ունեցողները, Դրանցից առաջինը ուսումնասում փքուն իրանով, կլորացող գոգավորվող կարճ վզով և դուրս ճկվող շուրթով անոթ է: Ուսր գոտևորված է փորագրի եղենաշարով լցված երկու ժապավեններով, իսկ իրանը՝ նույն եղանակով ստացված դույզդույզ տարված կամարաձև պատկերներով, Մանրամասներից վերջինը կտրվածքում դիտվող երկգույնն է, որը ստացված է սև փայլեցրած մակերեսի և շագանակագույն աստառի համադրությամբ: Այս հատկանիշը բնորոշ է վաղ բրոնզի դարաշրջանին, հետևաբար տվյալ դեպքում առկա է նախկին ավանդույթների շարունակություն: Ինչ վերաբերում է կճուճներից երկրորդին, ապա սրա ձգված, թեթևակի կլորացող իրանը զարդարված է նույն փորագրի եղենաշարով, որոնք այս դեպքում, սակայն, անկյունաձև պատկերներ են ձևավորում, Դրանց վերին շարքը զագաթներով հավում է վզի հիմքը գոտևորող-բեկյալներով ստացված գծին: Այս կճուճների ձևն ու զարդանախշն են պատճենում Ուղեբերի I շերտից, Վարդաբերդի¹⁸, Գրամփա և Աղջաղալ գյուղերի միջև ընկած դամբարանադաշտից, էլառի № 25 դամբարանից¹⁹, Գուրուլայի և Կենդելայի միջազետում գտնվող Դարաքեփեկթեփեփեի հնավայրից²⁰, Թոնգի XLI և այլ դամբարանաթմբերից հայտնաբերվածները²¹: Վերահիշյալ հու-

16 է. Վ. Խանդաղյան, Գառնի IV, Երևան, 1969, էջ 109, նույնի՝ Զրահովտի պեղումները (ՀՀՄՄ ԳԱ հնագիտության և ազգագրության ինստիտուտի 1977—78 թթ., դաշտային աշխատանքների թեզիսներ), Երևան, 1979, էջ 9—10:

17 Բ. Ա. Կուֆտին, Археологические раскопки в Тriaлети, Тбилиси, 1941, с. 112. 116—117, табл. СХХІ, СХХІІ.

18 Կ. Խ. Կուշնարեա, Новые данные..., рис. 28, 31.

19 է. Վ. Խանդաղյան, էլառ-Դարանի, նկ. 88, 89:

20 Գ. Իսмаилов, Следы древнейших культур в междуречье Гуручай и Кенделчай, Баку, 1981, табл. IX.

21 Զ. Մ. Գոгадзе, Периодизация и генезис курганной культуры Тriaлети, Тбилиси, 1972, табл. 30, рис. 2.

12 Կ. Խ. Կուշնարեա, Новые данные о поселении Узерлик-тепе, около Агдама (МИА, 1965, № 125, рис. 125—7).


13 Օ. Ս. Խեկիկյան, Սիսիանի Զորաբերդը (ՀՀՄՄ-ի հնագիտության ինստիտուտ, 1984, № 4, էջ 33—34, 51):

14 Ախլաթյանի նյութերը հրատարակված չեն:

15 Ս. Ա. Եսаян, Стратиграфия расписной керамики Айгеванского поселения (ՊՊՀ, 1981, № 2, աղ. II, էջ 195—203).

շարձաններում իր դուգահեռներն ունի և ձեռքի կոպիտ աշխատանքի արդյունք հանդիսացող, զնդաձև իրանով և դուրս թեքվող վզով կճուճը, որի դեղնագորշավուն մակերեսը ստորին հատվածում մրածածկ է (աղ. II, նկ 12):

կլորացող շուրթով: Այլ դեպքերում շուրթը ձևավորում են դեպի ներս թեքեալի թեք կտրած կողերը: Գունազարդ քրեղանների մակերեսի կարմիր հիմնագույնը զարդարված է սև ներկով ստացված, ուղղաձիգ իջնող, խումբ-խումբ



Աղյուսակ III:

Խեցանոթների հաշորդ խումբն են կազմում .գունազարդ (9 օրինակ) և սև փայլեցրած մակերեսներով (6 հատ) քրեղանները: Երկու խմբերն էլ ունեն հարթ հատակների վրա իջնող կիսազնդաձև իրաններ, որոնք ավարտվում են կարճ, ուղիղ բարձրացող, հազվադեպ՝ դուրս

տարված ալիքաձև (աղ. II, նկ. 5—7, 9—10, 16, աղ. III, նկ. 13), ինչպես նաև անկյուններ կազմող (աղ. II, նկ. 17) կամ շրթի հետ եռանկյունիներ ձևավորող (աղ. III, նկ. 19) բազմաշար գծերով: Նրթի տակով սովորաբար անցնում են մեկ կամ երկու ակոսագծեր:

Քրեղանների այս տեսակներն ու զարդանախշերը տեսնում ենք էլսառում, Գառնիում, որտեղ դրանք հանդես են գալիս վաղ բրոնզի ավանդույթները շարունակող սև մակերես ու փորագրի զարդանախշ ունեցող խեցեղենի համադրությամբ²²։ Այստեղ նույնպես տեսնում ենք անկյունաձև պատկերներ կազմող, խումբ-խումբ գծերով արված պատկերներ, որոնք բնորոշ են դառնում ուշ բրոնզի համար, ստացված, սակայն, փայլանախշան եղանակով։ Այդպիսին առկա է և Մալաթիա-Էլլադիդի շրջանի Ցուկարի-Սյուզմելի բնակավայրի վաղ բրոնզի III փուլով թվագրվող նյութերում²³։

Սև փայլեցրած քրեղաններից սոսկ մեկն ունի շրթի տակով անցնող ակոսադոտի։ Այս քրեղանի մյուս առանձնահատկությունը նրա թեթևակի ընդգծված նստուկն է, որը, դատելով ներսի մակերեսի պահպանված հետքերից, հետո է իրանին ամրացվել։ Ամանի մակերեսը զարդարված է երկշար, կամարաձև դոտիներով, որոնցից ներքինը հոծ, իսկ վերինը միաշար կետերով է զարդարված (աղ. II, նկ. 15)։ Մյուս քրեղանները զարդարված են կամարաձև (աղ. III, նկ. 9, 10) և անկյունաձև պատկերներով, մեկ դեպքում՝ իրանը գոտեորոշ հորիզոնական գծերով (աղ. III, նկ. 11, 14)։ Այս քրեղանների ու դրանց զարդանախշերի ճգրիտ զուգահեռները կրկին Ուզերլիկի I շերտի նյութերում կան, որոնք թվագրվում են մ. թ. ա. XX—XVIII դդ.։ Նշենք, որ հոծ կետազարդերով ստացված անկյունաձև պատկերներով են զարդարված Իլտո բնակավայրի II և մասամբ III շերտի խեցանոթների բեկորները։ Այս նյութերը թվագրվում են մ. թ. ա. III հազ. վերջը և II հազ. սկիզբն ընկած ժամանակաշրջանով։

Խեցանոթների վերջին խումբն են կազմում Թաս-գավաթներն ու ռադամանները։ Առաջինները կլորացող ու թեթևակի ձգված իրաններով, հազիվ նշմարվող շուրթերով ամաններ են, որոնք կոտրվածքում մուգ շագանակագույն երանգ ունեն։ Սև փայլեցրած մակերեսները զարդարված են նույն փորագրի եղենաշարով ստացված անկյունաձև (աղ. III, նկ. 16), աստղ ձևավորող բեկյալներով (աղ. III, նկ. 15), երկծնկաձև պատկերներով (աղ. III, նկ. 17) ու հոծ կետերով ստացված կամարաձև զարդերով (աղ. III, նկ. 20)։ Այս զարդաձևերը, բացառությամբ երկծնկաձև նախշի, վերելվում քենվել են։ Ինչ վերաբերում է նշված

զարդին, ապա այն նույնպես տեսնում ենք Ուզերլիկի I շերտում, տարբերությամբ, որ այն ստացված է սոսկ զուգահեռ տարված երկու գծերի միջոցով և զուրկ է նրանց մեջ լցված եղենաշարից²⁴, որոնք առկա են այլ անոթների վրա։ Կետերով ստացված կամարաձև զարդն իր զուգահեռներն է գտնում արգեն Ուզերլիկի II շերտի նյութերում, որոնք առավել կատարյալ են։ Նկատենք, սակայն, որ Ուզերլիկի II շերտի նյութերի զարդանախշում, ինչպես և Հայաստանի համաժամանակյա այլ հուշարձաններից հայտնաբերված խեցանոթների վրա, դիտվում է և սպիտակ դանդաղածի լրվածք, որը չի նկատվում Սիսիանի նյութերի վրա։ Ավելին, Ուզերլիկի այդ ժամանակաշրջանի նյութերին, ինչպես և այլ՝ մ. թ. ա. XVIII—XVII դդ. հնավայրերից հայտնաբերվածներին առավել բնորոշ է իրարից հեռու ատամնաշարի երկու կողմերում դասավորված մանր կետազարդով ստացված նախշը, որը, ատամնաշարերի միջև ընկած տարածությանը նեղ, անզարդ ժապավենի ձև տալով, միաժամանակ ատամնաշարին երկշարք, առանձնացող դարդի տեսք է հաղորդում²⁵։ Այս հատկանիշները նույնպես չեն դիտվում Սիսիանի նյութերի վրա, որոնք իրենց զարդաձևով կապվում են Իլտոի II և III շերտերի հետ և, հետևաբար, ավելի վաղ տարիք ունեն, քան Ուզերլիկի II շերտի նյութերը։ Ինչ վերաբերում է ձեռքի կոպիտ աշխատանքի արդյունք հանդիսացող ռադամաններին, որոնք գրեթե ուղղանկյուն (աղ. II, նկ. 8, 18) կամ թույլ կլորացող կողերով (աղ. III, նկ. 18), թեթևակի սրվող շրթով, սև կամ դեղնավարդագույն մակերեսներով ամաններ են, ապա դրանք թվագրության համար էական նշանակություն չունեն։ Նյութերի քենությունն այսպիսով թույլ է տալիս այս դամբարանները թվագրել մ. թ. ա. II հազ. սկզբով, առավել ընդլայնված՝ նրա I քառորդով։

Համեմատման քերթով Սիսիանի երեք տեսակի դամբարաններից (քարարկղ, հիմնական և կեղծ-հիմնահողային) հայտնաբերված նյութերի հետազոտությունների արդյունքները, նկատում ենք, որ դրանք պատկանում են վաղ բրոնզից միջինին անցման և միջին բրոնզի սկզբնական փուլի մշակույթին։ Բերված զուգահեռները միաժամանակ թույլ են տալիս համաձայնել այն հետազոտողների կարծիքին, որոնք սկարմիր-բերդյան և օսան-ուզերլիկյան խմբի նյութերը դիտում են իբրև մեկ միասնական մշակույթ։

Օ. Ս. ԽելիկՅԱՆ.

²² Է. Վ. Խաչատրյան, Գառնի IV, աղ. XXVIII, նկ. 4, 7, 10։

²³ C. A. Burney, Eastern Anatolia in the Chalcolithic and Early Bronze Age («Anatolian studies». vol. III, 1958, fig. 276)։

²⁴ К. Х. Кушнарева, Новые данные..., рис. 17¹⁷։

²⁵ Նույն տեղում, էջ 84—86։